


續名醫類案





錢塘魏之琇編集

吐血

海昌王士雄孟英
定州楊照黎素園 同校

孫文垣治程雨峰與乃姪有芥蒂偶飲姪家歸覺腹中滿嘔噦不甯次日面目皆黃惡寒發熱醫作瘧治五心加熱下午潮熱煩躁且鼻衄腹痛大便黑如墨吐黑血如爛猪肺者碗許狀如中蠱心疑乃姪毒之召醫率見其目珠如金面若熏橘腹大有塊如磔且堅硬兩足浮腫四肢冷小水赤飲食不思皆辭不藥舉家號泣欲爭鬪診之其脈左濡右滑滑主痰飲滯主有瘀血所吐下皆痰之驗非蠱也彼謂呼生頗謹疾曰怒則傷肝甚則嘔血不嘔則瘀於經絡滿而溢也彼乃悟用當歸尾三錢赤芍丹皮川芎各一錢五分胡索五靈脂桃仁各一錢滑石茜根各二錢煎飲下黑物甚多腹仍痛塊未軟前方加青皮山查酒蒸大黃服之大便三次所去皆痰與瘀自此腹減塊消黃退足尚腫改用六君子加炮薑茜根滑石青高而愈

蕭萬與表姪媳脾胃素熱因冒風邪自澀鼻乾自用薑湯連三晨咯血數口又恣飲藕湯益增煩脹夫所謂外感者從外而入必令從外而出薑湯獨力既難奏效藕湯涼澀復閉外邪用解表劑入芩連花粉一劑而愈

姜子社少婦潮熱喘咳經水澀少每鬱則隔脹拒食偶啖辛熱咯血口乾脈弦滑微數蓋甫并陰血未充五火易動因循不治亦能成癆以六味加黃芩炙草知母麥冬阿膠丸服至月餘諸證如失

孫文垣治汪希明年弱冠性躁素有痰火舊曾吐血醫用收滯之劑太早至痰流滯經絡且為炙肺愈嘗言咳不能唾又誤作風邪投發散之劑不思火盛得風其勢愈熾血從口鼻噴出勢如湧泉診之六脈洪數身熱而煩又時

當二伏內外之火夾攻非釜底抽薪之法難奪其上湧之勢乃以三製大黃三錢石膏五錢黃連茜根滑石各二錢女貞一錢急煎飲之大便微行二次血來少緩即用石膏滑石冬青子各三錢旱蓮草茜根各二錢黃連山梔